

Pravilnik o provođenju izbora

Klasa zaštite 1

Donesen na sjednici Džematskog odbora dana 13.01.2022. godine i odobren od strane Nadzornog odbora dana 20.01.2023. godine.

Sadržaj

Član 1. Svrha Pravilnika o provođenju izbora	2
Član 2. Opći principi	2
Član 3. Rokovi i priprema izbora	3
Član 4. Izborna komisija	4
Član 5. Prijava kandidata i kandidacijskih timova na izbore	5
Član 6. Izborna dokumentacija	6
Član 7. Glasanja	7
Član 8. Brojanje glasova	8
Član 9. Čuvanje predatih glasačkih listića	9
Član 10. Završne odredbe	9



Pravilnik o provođenju izbora

Član 1. Svrha Pravilnika o provođenju izbora

(1) U udruženju se sjednice, sa i bez donošenja odluka, odnosno sa izborima, ubrajaju u najvažnije procese u praksi udruženja. Za njihovu pravnu učinkovitost potrebno je da postupak, npr. u slučaju izbora, ne krši važeće zakone i propise. Nadalje, ovaj Pravilnik ima za cilj osigurati da organi i odjeli IGS e. V. na sjednicama postupaju što je moguće ujednačenije.

(2) Ovaj Pravilnik o provođenju izbora, pored odredaba Statuta, reguliše ostale pojedinosti o provedbi i odvijanju izbora Džematskog odbora. Ovaj Pravilnik o provođenju izbora vrijedi za izbor svih organa IGS e. V.

Osobe koje se žele angažovati trebaju svojim sudjelovanjem predstavljati obogaćenje zahvaljujući profesionalnom znanju, velikoj motivaciji, komunikativnoj snazi i osjećaju odgovornosti. Treba se planirati spremnost na žrtvovanje od 20 sati mjesečno.

Član 2. Opći principi

(1) U smislu ovog Pravilnika o provođenju izbora, odluka o kadrovskim pitanjima predstavlja izbor. Odluka o činjeničnim pitanjima predstavlja glasanje. I izbor i glasanje mogu se provoditi javno ili tajno. Na javnim izborima ili glasanjima, glasovi članova sa pravom glasa su vidljivi svima. S druge strane, glasovi koje su dali članovi sa pravom glasa na tajnim izborima ili glasanjima ne mogu im se dati na uvid.

(2) Izbori i glasanje se, također, mogu odvijati na daljinu, uz upotrebu odgovarajućih formata, ukoliko je udruženje opremljeno odgovarajućim sigurnim resursima. O tome odlučuje Džematski odbor zajedno sa Nadzornim odborom. Glasanje na daljinu zahtijeva poseban Pravilnik o provođenju izbora na daljinu.

(3) Izbori organa udruženja provode se u skladu sa Statutom udruženja, odredbama Zakona o udruženjima u Građanskom zakoniku i ovim Pravilnikom o provođenju izbora.

(4) Izbori organa udruženja (osim izbora za Džematski odbor/pozicije u Džematskom odboru) provode se u principu kao javni izbori, ako se na Džematskoj skupštini na zahtjev jednog ili više članova ne traži tajno glasanje. O podnesenom zahtjevu odlučuje se prostom većinom.



- (5)** Tajni izbori se provode uvijek kada su u toku izbori za Džematski odbor ili pozicije u Džematskom odboru.
- (6)** Džematski odbor snosi odgovornost za pripremu i organizaciju izbora i glasanja i taj zadatak ne može delegirati.
- (7)** Glasanja o izmjenama Statuta uvijek se provode tajno.
- (8)** Ako se koriste glasački listići, oni moraju biti jedinstveni za dotični izborni krug. U slučaju tajnog glasanja, moraju se koristiti glasački listići i pripremiti glasačke kutije.
- (9)** Nevažeći su glasački listići na kojima se ne može nedvosmisleno prepoznati volja glasača.
- (10)** Za javne izbore i glasanje, članovima sa pravom glasa se trebaju izdati biračke kartice ako se može predvidjeti da u protivnom nije moguć uvid u pravo glasa.
- (11)** Izbori se mogu provesti samo ako su predviđeni prema Statutu, uvršteni na dnevni red i objavljeni prilikom saziva.
- (12)** Izborni postupak se organizuje na način da je glasanje moguće kao blokovski ili pojedinačni izbor upražnjenih pozicija.

Član 3. Rokovi i priprema izbora

- (1)** Rok prema Statutu se računa u skladu sa članom 186 ff. Građanskog zakonika. Računa se unatrag od dana Džematske skupštine, prema članu 187. stav 1. Građanskog zakonika, dan Džematske skupštine se ne računa.
- (2)** Za postupak izbora Džematskog odbora vrijede sljedeći rokovi: Osam sedmica prije datuma izbora članovi se obavještavaju o predstojećim izborima i vrstama izbora te se pozivaju na kandidaturu. Rok za podnošenje kandidatura za izbor ili kandidature za poziciju u Džematskom odboru je četiri sedmice nakon objave. Informacije o predstojećim tačkama dnevnog reda prema stavu 10.8 Statuta: izbor Džematskog odbora, naknadni izbor upražnjenih pozicija u Džematskom odboru ili razrješenje i ponovni izbor Džematskog odbora, odnosno članova Džematskog odbora i s time povezani rokovi ne daju se pisanim, nego telekomunikacijskim putem.
- (3)** Rok unutar kojeg pojedinačni kandidati ili blokovski kandidati za Džematski odbor ili upražnjene pozicije u Džematskom odboru moraju prijaviti svoju kandidaturu za izbor trenutnom Džematskom odboru - izborni rok za prijavu kandidature - je četiri sedmice nakon objave Džematske skupštine.



- (4)** Uvjet za stavljanje na kandidacijsku listu jeste da se svaki pojedinačni kandidat i svaki član blokovskog izbora mora lično pojaviti u centrali i ispuniti odgovarajuće zahtjeve i obrasce.
- (5)** Izborni rok za prijavu kandidature je rok isključenja: kandidati, odnosno blokovski kandidati koji podnesu prijavu kandidature nakon isteka izbornog roka za prijavu kandidature neće biti primljeni na izbore. Kandidacijska lista će biti zaključena po isteku roka.
- (6)** Dvije sedmice prije Džematske skupštine, zaključena kandidacijska lista bit će dostupna svim članovima putem uobičajenih komunikacijskih kanala džemata, kao što su informativne ploče, propovijedi ili glasila.
- (7)** Za predstojeće Džematske skupštine – redovne i vanredne – poziv mora sadržavati sve tačke dnevnog reda i šalje se na posljednju poznatu adresu člana dvije sedmice prije datuma Džematske skupštine. Uspješno obavljenom smatra se i dostava poziva na skupštinu u slučaju da se ista odvija telekomunikacijskim putem, jednim od kanala utvrđenih u Statutu. Ti kanali su popis primatelja e-pošte i liste instant mesindžera.

Član 4. Izborna komisija

- (1)** Džematski odbor predlaže tročlanu izbornu komisiju. O prijedlogu odlučuje Džematska skupština. Za to može imenovati druge osobe, ali one obavezno moraju biti članovi udruženja.
- (2)** Izbor izborne komisije može se vršiti blokovskim ili pojedinačnim izborom, javnim glasanjem.
- (3)** Članovi trenutnog Džematskog odbora, odnosno članovi sa statusom kandidata na aktuelnim izborima ne mogu preuzeti nikakvu dužnost u izornoj komisiji.
- (4)** Članovi izborne komisije imaju pravo da učestvuju u raspravi, podnose prijedloge za izbor i učestvuju u glasanju.
- (5)** Izborna komisija nadzire pravilno provođenje izbora u skladu sa odredbama Statuta, Pravilnika o skupštini i provođenju izbora.
- (6)** Osim toga, izborna komisija ima sljedeće zadatke:
- osiguravanje poštivanja principa demokratskog glasanja i izbora, naročito u slučaju tajnog glasanja i izbora



- preuzimanje glasačkih listića ili rezultata bilo kojeg online glasanja
- prebrojavanje glasova
- utvrđivanje datih glasova, važećih, nevažećih glasova i glasova koji pripadaju kandidatima, odnosno zahtjevu te rezultata izbora, odnosno glasanja

(7) Mandat izborne komisije prestaje kada novoizabrani Džematski odbor voditelju skupštine izjavi da prihvata izbor za Džematski odbor, kada se provedu svi izbori koji su na dnevnom redu i objave rezultati. Time se završava i izborni postupak.

Član 5. Prijava kandidata i kandidacijskih timova na izbore

(1) Džematski odbor prikladnim elektronskim komunikacijskim kanalima poziva da se prijave kandidata, odnosno kandidacijskih timova dostave Džematskom odboru u roku za podnošenje kandidatura.

(2) Prijava kandidata ili blokovskog kandidata na izbore sadrži sljedeće podatke:

- Prezime, ime i trajanje članstva osoba, datum rođenja, državljanstvo, bračno stanje, broj djece, zanimanje te podaci za koju se poziciju kandiduje.
- Izjava koju su svojeručno potpisali svi članovi kandidacijskog tima, odnosno kandidati, koja garantuje da svi članovi kandidacijskog tima, odnosno kandidati ispunjavaju lične i opće uvjete za vršenje funkcije u Džematskom odboru u skladu sa važećim Statutom
- Jedna osoba se može kandidovati samo za jedno mjesto i samo kao pojedinačni kandidat ili kao član tima.

(3) Džematski odbor, po primitku, razmatra prijave na izbore. Posebno se treba provjeriti da li kandidati, odnosno članovi bloka kandidata ispunjavaju statutarne uvjete.

(4) Prijava kandidata za izbore je nevažeća ako kandidat vrši funkciju u nekom drugom džematu koji je član krovnog udruženja IGBD e. V

(5) Broj pojedinačnih kandidata treba odgovarati broju pozicija u Džematskom odboru koje se trebaju popuniti.



- (6)** Broj kandidata na blokovskim izborima mora odgovarati broju pozicija koje se trebaju popuniti. Nijedna pozicija ne smije ostati upražnjena.
- (7)** Prihvatanje kandidature na dan Džematske skupštine bez prethodnog podnošenja prijave dozvoljeno je samo u slučaju da u gore navedenom roku od četiri sedmice nisu podnesene prijave za kandidaturu za pozicije u Džematskom odboru, bilo kao tim ili kao pojedinačna kandidatura.
- (8)** Blokovski izbor može se provesti i u slučaju naknadnog popunjavanju dviju ili više pozicija u Džematskom odboru.
- (9)** Džematski odbor je ovlašten da obradi podnesene prijave na izbore i preda ih članovima kao kandidacijsku listu.
- (10)** U pozivu se mora izričito navesti koja će se vrsta izbora održati na sazvanoj sjednici. Treba razlikovati tri vrste izbora: izbor novog Džematskog odbora, naknadni izbor članova Džematskog odbora koji su istupili ili su dali ostavku na dužnost te razrješenje Džematskog odbora ili pojedinih članova Džematskog odbora. U slučaju naknadnog izbora i razrješenja, trebaju se imenovati i pojedine pozicije u okviru tačke dnevnog reda.
- (11)** Protukandidatura za timske kao i pojedinačne izbore za dotičnu poziciju u Džematskom odboru nije potrebna.

Član 6. Izborna dokumentacija

- (1)** Izborna komisija preuzima glasačke listiće koje je pripremio trenutni Džematski odbor. Izorno rukovodstvo provjerava glasačke listiće i osigurava da svaki birač sa pravom glasa dobije ispravan glasački listić.
- (2)** U izornoj dokumentaciji za izbor Džematskog odbora, blokovski izborni timovi označavaju se kao Tim A, Tim B, Tim C itd. Dodjela slovne oznake vrši se nakon prijema prijava blokovskih izbornih timova u centrali Džematskog odbora.
- (3)** U izornoj dokumentaciji za izbor Džematskog odbora, članovi se imenuju imenom i prezimenom za blokovske izbore i pojedinačne izbore, a svaki član se raspoređuje na poziciju u Džematskom odboru za koju se takmiči. Svaki kandidat mora predložiti važeće policijsko uvjerenje o nekažnjavanju izdato od strane policije koje nije starije od 6 mjeseci.
- (4)** Izborna dokumentacija se priprema ovisno o broju blokovskih izbora i pojedinačnih izbora koji pristupaju izboru Džematskog odbora.
- (5)** Ako izborna komisija ne raspolaže dokumentacijom za kandidaturu, ni od blokovskih izbornih timova ni od pojedinačnih kandidata, izbor za upražnjene pozicije u Džematskom odboru se provodi bez dostavljene dokumentacije. Uvjerenje o nekažnjavanju kandidata za Džematski odbor moraju naknadno predati u roku od 8 sedmica.



Član 7. Glasanja

- (1)** Prije samog glasanja, svaki kandidat, odnosno blokovski izborni tim treba predstaviti sebe i svoj program, odnosno plan na Džematskoj skupštini.
- (2)** Nakon što se kandidati predstave, a prije početka glasanja, Džematska skupština mora odlučiti da li su za blokovske izbore ili za pojedinačne izbore. Glasanje o tome vrši se dizanjem ruke i sa prostom većinom.
- (3)** Blokovski izbori. Ako odluka padne na blokovske izbore (timove), tada samo timovi mogu konkurisati za Džematski odbor.
- a) Ako se na blokovskim izborima takmiči više timova, bira se tajno predajom glasačkih listića.
 - b) Ako se na blokovskim izborima takmiči samo jedan tim, njega mora potvrditi Džematska skupština tajnim glasanjem.
- (4)** Pojedinačni izbor. Ako odluka padne na pojedinačne izbore, tada samo pojedinci mogu konkurisati za Džematski odbor.
- a) Ako se više pojedinačnih kandidata takmiči za upražnjenu poziciju u Džematskom odboru, tada se provodi tajno glasanje.
 - b) Ako u slučaju pojedinačnih izbora sva upražnjena mjesta u Džematskom odboru zauzima jedan pojedinačni kandidat, kandidate će potvrditi Džematska skupština tajnim glasanjem.
 - c) Ako sve pozicije u Džematskom odboru nisu popunjene u postupku pojedinačnog izbora, iste će se popuniti prisutnim članovima tokom Džematske skupštine. Kandidaturu potvrđuje Džematska skupština tajnim glasanjem.
- (5)** U slučaju neriješenog rezultata, izbori se ponavljaju dok se ne postigne izborna pobjeda.
- (6)** Ako Džematska skupština ne potvrdi kandidate/grupe, aktuelni Džematski odbor ostaje još uvijek na funkciji i dužan je da raspiše nove izbore u roku od 10 sedmica.



- (7) Članovi sa pravom glasa daju svoj glas tako što u kvadratić stavljaju znak X. Glasački listići, na kojima je označeno više od broja kandidata, odnosno timova koji se biraju ili koji sadrže druge podatke, su nevažeći.
- (8) Označeni glasački listići stavljaju se u kutiju ili drugi odgovarajući spremnik u prisustvu izborne komisije. Nakon obavljenog glasanja, izborna komisija broji glasove.
- (9) Rezultat izbora se upisuje u Zapisnik o izborima. Isti mora sadržavati broj predatih glasačkih listića, broj važećih i nevažećih glasačkih listića i glasova datih kandidatima ili blokovskim izbornim timovima. Zapisnik o izborima potpisuju i objavljuju voditelj skupštine i zapisničar. Isti se čuva dok traje izborna razdoblje.
- (10) Izabrani su kandidati, odnosno blokovski izborni tim koji imaju najveći broj glasova.
- (11) Glasačka pitanja moraju biti postavljena tako da se na njih može odgovoriti sa Da ili Ne.
- (12) O svim glasanjima odlučuje se prostom većinom, osim ako je u Statutu određeno drugačije. Zahtjev se smatra prihvaćenim ako je broj datih Da-glasova veći od broja datih Ne-glasova. Suzdržani i nevažeći glasovi računaju se kao glasovi koji nisu dati.
- (13) Javne glasove broje izborna komisija i pomagači na izborima.
- (14) U slučaju naknadnih izbora za članove u organima udruženja, izbor se uvijek vrši za preostali period trajanja mandata člana koji je istupio, a koji mandat je bio predviđen u trenutku izbora.

Član 8. Brojanje glasova

- (1) Nakon završetka svakog izbornog postupka, izborna komisija broji predate glasove i objavljuje rezultat. Prilikom brojanja glasova, prisutna su sva tri člana izborne komisije.
- (2) Brojanje glasova slobodno je dostupno svim prisutnim članovima.
- (3) Izabranim se smatra onaj kandidat, odnosno kandidacijska lista sa najvećim brojem glasova.



(4) Ako je u izbornom krugu izabran kandidat, odnosno kandidacijski tim za Džematski odbor, izabrani kandidat, odnosno izabrani kandidacijski tim mora dati izjavu voditelju skupštine da prihvata izbor.

(5) Izborna komisija zapisuje rezultat izbora za dotični izborni krug. Zapisnik o utvrđenom rezultatu izbora za dotični krug izbora potpisuje izborna komisija.

Član 9. Čuvanje predatih glasačkih listića

(1) Predati glasački listići za tajne izbore i tajno glasanje, uključujući i rezultate eventualnog online glasanja, čuvaju se sve dok traje izborna razdoblje. Nakon isteka roka za čuvanje, glasački listići se uništavaju.

(2) Glasački listići, uključujući i rezultate eventualnih online glasanja, trebaju se čuvati na način da je u bilo kojem trenutku, tokom razdoblja čuvanja, moguće ponovno brojanje glasova datih za izbore ili glasanje.

(3) Ponovno brojanje glasova datih na izborima ili glasanjima mora se izvršiti ako to u roku od šest sedmica nakon Džematske skupštine pismeno zatraži najmanje 10% članova koji su bili prisutni na Džematskoj skupštini.

Član 10. Završne odredbe

(1) Ovaj Pravilnik o provođenju izbora podliježe klasi zaštite 1.

(2) Ovaj Pravilnik o provođenju izbora stupa na snagu nakon što ga odobri Nadzorni odbor.

(3) Džematski odbor se ovlašćuje da donese odluku o izmjenama Pravilnika o provođenju izbora koje se odnose samo na verziju, kako bi se eventualne primjedbe na Pravilnik o provođenju izbora mogle mijenjati bez potrebne službene saglasnosti.

(4) Džematski odbor je ovlašten da mijenja Pravilnik o provođenju izbora u pogledu propisa o tehničkim zahtjevima i uvjetima, ukoliko je to potrebno za provedbu elektronskog izbornog postupka sa odgovarajućim ponuđačem. Nadzorni odbor mora biti uključen. Glasanje na daljinu zahtijeva poseban Pravilnik o provođenju izbora na daljinu.

